



Republic of Namibia

MINISTRY OF EDUCATION, ARTS AND CULTURE

NAMIBIA SENIOR SECONDARY CERTIFICATE (NSSC)

THIMBUKUSHU FIRST LANGUAGE SYLLABUS

ADVANCED SUBSIDIARY LEVEL

SYLLABUS CODE: 8198

GRADE 12

FOR IMPLEMENTATION AND FIRST EXAMINATION IN 2021

Ministry of Education, Arts and Culture
National Institute for Educational Development (NIED)
Private Bag 2034
Okahandja
Namibia

© Copyright NIED, Ministry of Education, Arts and Culture, 2020
NSSC Advanced Subsidiary Level
Thimbukushu First Language Syllabus

ISBN: 978-99945-2-287-3

Printed by NIED

Publication date: 2020

THIMBANGU THOYIKARAMO

1.	Mwingeneno	4
2.	Nunderero	5
3.	Yitambo	5
4.	Mapathwerero ghokuwedhererako	6
4.1	Maviri ghokukuhonga	6
4.2	Yikuhonga yokare	6
4.3	Marundurukero	6
4.4	Yiwanamo nomayarekero	6
4.5	Yihongithitho nomambapira ghokufundhwera	6
5.	Yikaramo yoyikuhonga	7
5.1	Kutoya	7
5.2	Kutjanga	8
6.	Yikonakona	11
6.1	Yitambo yoyikonakona	11
6.2	Ghushere pakatji koyitambo yoyikonakona nomapepa	12
6.3	Mashingweneno ghomapepa	13
6.4	Marongathaneno ghomapepa	16
6.5	Mashingweneno naro dhoyiwanamo	17
	Thirameka A: Yikorekitho	18

1. MWINGENENO

Dighanohongithitho dyoNamibia Senior Secondary Certificate Advanced Subsidiary (NSSCAS) kwa di tambithera ndhira dhomakonakono ghomwaka ghofotji munyima dhonaro dhoNamibia Senior Secondary Certificate Ordinary (NSSCO) Level. Dighanohongithitho kwa di rongathana mu kukumitha mo yihima yo*National Curriculum for Basic Education in Namibia* no dya pwa kufundhwerwa pangamu dhaNational Examination, Assessment and Certification Board (NEACB). Manaro ghoNSSCO noNSSCAS ne gha kuyarekera yitambo yopopahe noyitambo yoyikonakona yokukupitura, ene makonakono gha neghedha makurero nomarundurukero mughuyaghayu noghudhungi ghomakurando ghoNSSCAS. Marundurukero ghomipango dhoNSSCAS kughawana muyikaramo yoyikuhonga, mumanaro ghoghukukutu ghoyitoyamingwa, mumihingo noyinyanda yoyirughanatjanga, mumarundurukero ghomakuhongo ghoyithimwetwedhatjanga nomughukukutu ghomayendithitho yikonakona. Dighanohongithitho di mbo hana di rughanitha mumashure agha gha honganga Thimbukushu munaro dhi.

Mayendithitho ghoNational Curriculum Guidelines, agha gha kundama naro dhoMakuhongo ghoSekondere ghoMukuru (Ngcara 12) nonaro dhomakuhongo ghokukukarera, gha nongonona ghunu wamwanuke no gha dhundeka dighano dyomakuhongo dhemenena-mwanuke.

Dighanohongithitho dyoNSSCAS Ndimi dhoKutanga dyemana pathiviha (thikara) thokukuma ku 6 kutunderera a kare e nonaro dhoghu 6 edhi dhemana pa “U” eyi yina kutongora eshi oyo mwanuke ne mbadi ghana tomboramo thongandji. Naro dhi dhokuhurerera kuneghedha eshi mwanuke mbadi ghana yanguramo tongandji tokumukumitha pa e, naro dhopamuve.

Yitambo yoNamibia National Curriculum Guidelines ne mu:

- kunongonona eshi kukuhonga ne kuhatitheramo makurithero ghoghukaro nomi mwene pofotji noghudimuki nomaghundondoro;
- kukuritha matambwero nomatjwathaneno ghoghukaro nomatawero ghawamweya mumukunda ghothivunganyi thoyitjo nomandimi;
- kutjokedha dikuto dyoghunu wamunu nohoru dhoghughambero;
- kutapa ghudimuki nomatjwathaneno ghoyinu yomudyo mukaye, kumakutjindjero ghombokapwe, eyi yina kundama ghuparo mwene wawanu: dihamba dyoAIDS, mayenyena ghokaye, mepithero ghomikunda, ghushumbwa ghomayarekero ghushwi, mavurero ghomarwanamvo nomvo, makurero ghotekinolodji;
- kunongonona eshi thika di ghana kuredhupa mawaneno ghomapathwerero, hanuke ha kona kukuritha manongwahu ghawo ghokugharava, kutjwathana no kukengurura marughanithero mwene ghomapathwerero gha;
- kushana mukutjoka-tjoka no kutjokedha hanuke ha kure mumundinda wawo no kuwahateritha mumakurero ghomukunda, ghushwi nothitjo.

Podigho eshi dighanohongithitho dyoThimbukushu Ndimi dhoKutanga dya kona kutapa ruvedhe rokurundurura maghundondoro mundimi dhi. Maghundondoro gha mbadi wa kughakuritha papagho ghathinda, ene mumapakerero (mumavungavungero) ghothikuhonga. Ndimi dhoThimbukushu dha kona kuyeyura maghundondoro ghano hana taradheka no* (nungwedhi).

- Ghundondoro ghoKutara
- Ghundondoro ghoMakunungathaneno*
- Ghundondoro ghoMapathwerero*
- Ghundondoro ghokushuturapo Maghukukutu*
- Ghundondoro ghomarughanithero Yirama
- Ghundondoro ghoKukukuritha ghothinda noKukutangawera*
- Ghundondoro ghoGhundambo noMarughaneno pofotji *
- Ghundondoro ghopaThirughana nomuYikuhonga *
- Ghundondoro ghoKundhundha ghugharava noKutotithapo*

2. NUNDERERO

Mayarekero ghondimi muNamibia, kuringa eshi marongathaneno ghopathinamuragho nomudyo ghondimi, ne gha kutjindja wangu munyima dhomashutukero. Makutjindjero gha mbo ghana kundama thikuma yihonga yomandimi nomamitiri ghondimi hana gha tamba thikuma mayerekero gha. Mudyo keho thikuma mukutjwathana eshi pashanye ghana kuhokokera makutjindjero gha nomayerekero munye agha gha di po.

Makuhongo muNamibia gha di keho thikuyonga thokudhira kupwa, makengwerero nomaturitheropo maghano ghomapya mukukondjera kuturithapo makuhongo mwene kwawanu homuNamibia. Podigho keho eshi paghukaro ghokenge ghu, dighanohongithitho dyoThimbukushu Ndimi dhoKutanga dya pwa kuturithapo no kuditura muthirughana pangcamu dhoGhumanisiteri nothitambo thokuroghuthurura mudyo nomakurikanyithero ghomakuhongo. Mayendithitho gha ghomakengwerero nomaturitheropo ghodighanohongithitho ne kwa gha turithapo kukutha mahateromo ghohehepano, yikuyonga nomarughaneno pofotji pakatji kawanuke, mamitiri nawakwatithi hamweya mumakuhongo mukawana yitambo yodighanohongithitho.

Mayarekero ghomakuru ghokuhatera kundimi nothitjo kwa karerapo kukutha eyi ha tjanga muDidhiveta dyaNamibia mumuragho ghothimingwa 3 no 19. Mukuwedhererako kuturithapo ghukaro ghokurughanitha ndimi dhokutanga pamakurikanyithero ghomandimi ghomahe, Didhiveta shime dya turithapo yirughanitha yoyipya mumandimi ghomahe ghomumambunga ghomuNamibia. Yirughanitha yi kukona kuyithonona mukukutha yino yina kurandako:

- mudyo ghomakuhongo mumayenditho ghoyikuhonga
- kurughanitha ndimi pathinamuragho kuyitambo yira mumikundatorwero, mumayendithitho, mumatoteropo miragho, mumandhango, noyimweya kengeyo.
- muhingo mwene ghonungathano nomashwaghithero ghoyothitjo.

Pamurandu ghoyi pawiru, yi di mudyo mukushimba manaro ghomudyo mawadi ghomakurithero mayendithithohongo. Nunderero dhokutanga dhina hatera kuthirughana thoNdimi dhoKutanga mumahungekero ghomwimi dhoditunga, oku thoghuwadi ne mahungekero ghomunu thinda. Dighanohongithitho dya kondja mukukuritha matambwero nomatjwathaneno ghamunu thinda, mudyo ghondimi dhendi nodhawamweya. Ghukaro ghokemo kughuturithapo mumuhingo ghomakuhongo mwene.

3. YITAMBO

Yitambo yi kwishi kwayiturithapo mukushingonona ndhika (didhi/dighano) dhomakuhongo ghoThimbukushu Ndimi dhoKutanga kumakonakono ghoNSSCAS. Yitambo ne yokurundurura:

- ghundondoro ghokwipudhura yitongora yokutunderera kundimi noyitoyamingwa
- kudheghetera pakukumburura ghudhundeke kuyitoyamingwa yokukuthigha-thigha yira yipo, ghufudhi, mahungekero, yitambo nawateghereri
- kukwata dighano eshi ngepi edi yina kundama yitoyamingwa mahungekero ghokukuthigha-thigha yira ghopathihuruhuru, ghopamukunda nopathitjo
- ghundondoro wawanuke ghokugharava mapathwerero muyitoyamingwa ghununga makuwero mumuhingo ghokuroghera
- kuyareka munungathano dhopatjangwa mumuhingo ghomwene, ghokutotithapo, ghoghuhunga noghokuroghera
- rundanda/nunderero mwene dhokukona kurundurura thikuhonga thoThimbukushu noyikuhongamandimi

4. MAPATHWERERO GHOKUWEDHERERAKO

4.1 MAVIRI GHOKUKUHONGA

Dighanohongithitho dyonaro dhoNSSCAS kwaditurithapo mumathinganyekero eshi hanuke ha kare nomaviri 180 ghokukuhonga Thimbukushu mughure ghothikandho thofotji (mwaka 1), ene agha ne maghorwero ngenyu. Maviri agha ha taterera mukukumithamo maghongwero kukona kukutjaka kukutha ghukaro ghoshure noyikuhonga yokare yawanuke muThimbukushu. Dokumende ghoNational Curriculum for Basic Education (NCBE) gha neghedha eshi edi dighanohongithitho mbo hana di hongo yikandho 9 yomminute 40 muthivike thomayuwa 7, ngambi muyikandho 6 yomminute 40 muthivike thomayuwa 5 mumwaka.

4.2 YIKUHONGA YOKARE

Edi ha yi thinganyekera ne eshi hanuke hokutanga nomakuhongo munaro dhi ngo ha roghera kumana tango makuhongo ghoThimbukushu munaro dhoNSSCO.

4.3 MARUNDURUKERO

Thimbukushu thopanaro dhoNSSCAS tha tapa nunderero mwene dhokukuhonga Thimbukushu Ndimi dhoKutanga muyikuhonga yokuhatera kundimi dhi mumakuhongo ghokuyeyukako. Kutwara kuyinyandiwa yoñurushure dho, kukona karo yi ghamwene mukutawedhera hanuke hengene kuyikuhongamandimi, makuhongo ghondimi, kutoroka/kupirura, Yikuhonga yothiAfrika ngambi yikuhonga yokuhaterako. Karo, thikuhonga thi tha ghamwena hanuke awa hana himi kukuhonga miragho dhothitjo, yithimwetwedha, Muhingo ghoGhudimuki ghoThitjo thoHeru muAfrika, matawero, yikuhonga yoghunyangi, makuhongo, noyimweya kengeyo.

4.4 YIWANAMO NOMAYAREKERO

Yitundamo yoNSSCAS ha yi neghedha muyiwanamo yo **a, b, c, d** no **e** eyi ya neghedha mutombo oghu hana kumitha mo, naro **a** ne dhoghodhikuru, ene **e** ne mumbiru. “U” kuneghedha eshi oyo mwanuke ghana kwanga kukumitha mo eyi gha roghera mukupita naro dhoNSSCAS.

4.5 YIHONGITHITHO NOMAMBAPIRA GHOKUFUNDHWERA

Yidamudamu yodighanohongithitho dyoNSSCAS, yitamenedhi yomapepa ghomepwero, noyitundamo yawakoreki kuyituma kumashure ghomaheya. Mambapira ghoyikonakona yoThimbukushu, ngeshi yina rogho, nayo kuyituma kumashure. Yihongithitho nomambapira ghokufundhwera kuyiwana muSenior Secondary Textbook Catalogue, no kuyituma kumashure. Oyu Senior Secondary Textbook Catalogue ne kumuwana pa www.nied.edu.na.

5. YIKARAMO YOYIKUHONGA

5.1 KUTOYA YY1

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
kutoya ghutjwathana no kugharava yitoyamingwa mumihingo dhokukutjaka-tjaka	KUT1: kunongonona ndjima dhoyikaramo yoyitoyamingwa yokukutjaka-tjaka ghurikanyitha kuyirughana nomahungekero ghothitambo thamutjangi, nokurongeka thiwana mapathwerero mumahuthero ghawo; - kuneghedha matambwero nomatjwathaneno ghoyikaramo nomadhi muyitoyamingwa - kununga yikaramo yomuthitoya, ghumbero/muhingo, thitambo no kuyiyareka dyo di ya roghera - kuneghedha manongwahu ghoyitambo/yihima yamutjangi no/ngambi yomuthitoya KUT2: kukumbururako kumarughanithero nomaghongekero ghondimi noyirughanitha yondimi muyitoya - kuyakunutha yitoya mughuhunga no kunongonona weghere wayo ghunongonona edi dha rughananga ndimi mukukumithamo yitambo - kuyenderera noghuredhu pakatji komutara ngambi thitoya thothiheya mukukuyonga no kutapa thitamenedhi thomarughanithero ndimi muthitoya thothiheya - kukona-kona ghushemwa, ghuhunga nomayaritherero ghothitambo kutwara edi ghana yi tjanga mutjangi KUT3: kunongonona maghano ghomahunga noyipo yondimi kuthitambo thongandji - kutambura yikaramo noyihima yamutjangi muthitoyamingwa - kutambura maghano nomarughanitho ghondimi muthitoyamingwa

5.2 KUTJANGA YY2

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
• kutjanga thiwana, mughuhunga noghufudhi kuyitambo yokukutjaka-tjaka ngambi kwawateghereri mumihingo dhokukuthigha-thigha	• KUTJ1: kurongeka maghano thiwana nomughuhunga - kuturithapo madhi agha sha rughanithe muyitjanga yawo - kurongeka, kuyareka no kununga thiwana maghano pakatji komiyirateta nomumiyirateta - kurughanitha thiwana mañandonunga mukununga maghano mumuhingo ghokuroghera, <i>thit.: kurikanyitha</i> (yira: karo, pofotji), <i>kuwedherera</i> (yira: ndani, no, thikumapo), <i>kutamenenitha</i> (yira: thitamenedhi, yira, mukuyitarangedha), <i>kutarangedha</i> (yira: pakutanga/thokutanga, paruwadi/thoghuwadi, kughutho, munyima), <i>yitundamo</i> (yira: podigho, eshi, yoyishi), <i>kutjakitha</i> (yira: mudyango dyo-, oku, mukuyirikanyitha, mukuyitjakitha), <i>kuyaritherera</i> (yira: ene, ngambikemo, kutundithako), <i>kuñandurura</i> (yira: muñando dhimwe, mukuyiredhupitha, kutongora eshi, mughufupi/paghuredhu), <i>kudhundeka</i> (yira: thikumapo, ...yakahurako...thothikurupo), <i>marundurukero</i> (yira: mukuhuka ku-, kukutha..., kutwara mwa-...) - kurughanitha marongathaneno mwene ghothighamba, yitoyadimukitho yokuyeyuka (yira: (.), (:), (“”), (/), (abc/ABC), (^), (:), (—), (...), (?), (!), (()), (.), noyinungitho/yitarekitho mukutjanga <i>yighamba</i> [<i>thit.: yighambavura</i>, “compound”, “complex” no “simple sentences”.] mughudhungi, yira: kununga yighamba notwimaneno, tutharawadi notutharatwimaneno

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
	• KUTJ2: kutjanga ghutotithapo, yitjanga yokunyanyukitha nokuhatitheramo mutoyi - kurughanitha ndimi mukutotithapo yikuyuva endi ghukaro ghongandji kwamutoyi - kuningitha hatoyi ha kuyuve yira mo ha di muthithimwa ethi hana kutoya - kurughanitha marughanithero ghondimi yira yivuruka, memaneno, makurando ghoyihokoka, matetawero miyirateta, yindhendereritha, madhundekero ghondwa noyimweya kengeyo - kutjanga mumuhingo ghongandji (thit.: katjangwa, magazini, mbapira dhokukorambudhi, makengwerero [mbapira/filimu/thighamba], diywienditha [yira mudokumenderi, muradiyo, mufilimu, dikandero nomayarekero], thighamba thopatjangwa) kwawateghereri hokuroghera

5.3 KUTJANGA YY2 (shime)

YITAMBO YOPOPAHE	YITAMBO YENEYENEPO
<i>Hanuke hana:</i>	<i>Hanuke ha kona:</i>
kutjanga thiwana, mughuhunga noghufudhi kuyitambo ngambi kwawateghereri ghurughanitha mihingo dhokukuthigha-thigha (shime)	KUTJ3: kutjanga kuthitambo nawateghereri hongandji mumuhingo ghokukuyonga ngambi ñanani - kughamba ghuyenderera ghuneghedha makurero muñanani dhodhidhungi - kurundurura maghano patjangwa mumuhingo ghokurongama, ghokuroghera noghohuhunga - kurughanitha ndimi dhokukutjaka-tjaka nomepwerohukera mukutjwathanitha, kukanunutha endi kuhongaghura
	KUTJ4: kurughanitha dyumbe dyoruñandweya nomarongathaneno ghoyighamba kuthitambo noyiretedherapo, mumashashero noyitoyadimukitha yoghuhunga - kutorora ruñandweya mwene norokuroghera mukukumithamo thitjangwa thongandji - kutjakitha marongathaneno ghoyitjanga mukuturithapo yikuyuva thit., mukuneghedha yikuyuva, mukuneghedha nako dhomakengwerero, mukukoka ñumbu dhopawangu, noyimweya kengeyo - kutjanga ghuhungeka noghurughanitha miragho dhorutjangithitho mwene nomashashero ghondimi dhoThimbukushu
	KUTJ5: kutjanga kuthitambo thongandji, ghurughanitha maghano, yipo yondimi noghufudhi - kuneghedha matambwero mwene ghomahungekero ghothitjanga, hateghereri nothitambo - kurughanitha marongathano mwene ghondimi, ghokuroghera kuthirughana

6. YIKONAKONA

6.1 YITAMBO YOYIKONAKONA

6.1.1 YY1 KUTOYA

Yitambo yopopahe

Hahaterimo kuwakona-kona kukutha ghundondoro wawo gho-:

- kutoya ghutjwathana nokuturithapo magharavero ghokurongama ghoyitoyamingwa yokukuthigha-thigha

Yitambo yeneyenepo

Hahaterimo ngo ha kona:

- Kut1 kunongonona ndjima dhoyikaramo yoyitoyamingwa yokukutjaka-tjaka ghurikanyitha kuyirughana nomahungekero ghothitambo thamutjangi, nokurongeka thiwana mapathwerero mumahuthero ghawo;
- Kut2 kutapako ñumbu kundimi nomarongathaneno ghomarughanithero ghondimi edhi hana rughanitha muyitoyamingwa;
- Kut3 kunongonona maghano mwene noyipo yondimi kukutha thitambo thongandji

6.1.2 YY2 KUTJANGA

Yitambo yopopahe

Hahaterimo kuwakona-kona kukutha ghundondoro wawo gho-:

- kutjanga thiwana, mughuhunga, mughufudhi nopamuhingo mwene kuyitambo ngambi kwawateghereri hokukutjaka, ghurughanitha mihingo dhokukuthigha-thigha

Yitambo yeneyenepo

Hahaterimo ngo ha kona

- Kutj1 kurongathana maghano thiwana nomughuhunga;
- Kutj2 kutjanga ghutotithapo, yitjangathimwetwedha yokunyanyukitha nokuhatitheramo mutoyi;
- Kutj3 kutjanga kuthitambo nawateghereri hongandji mumuhingo ghokukuyonga ngambi ñanani;
- Kutj4 kurughanitha dyumbe dyoruñandweya nomarongathaneno ghoyighamba kuthitambo noyiretedherapo, mumashashero noyitoyadimukitha yoghuhunga;
- Kutj5 kutjanga kuthitambo thongandji, ghurughanitha maghano, yipo yondimi noghufudhi

6.2 GHUSHERE PAKATJI KOYITAMBO YOYIKONAKONA NOMAPEPA

Mapepa	YYI	YY2		Thiviha		
	Mapenda	Mapenda	Mapenda ghoghupumuru	Thivihitho	Ngoyo	% dhoDipepa
Dipepa 1: Yitoya noyitjangatambithera	50	10	60	1	60	60
Dipepa 2: Kutjanga		40	40	1	40	40
Makamweneno	50	50	100	1	100	100
% ghoYitambo yoYikonakona	50	50	100			

6.3 MASHINGWENENO GHOMAPEPA

Dipepa	Rudhi roMepwero	Mapenda	Ruvedhe
Dipepa 1 Yitoya noYitjanga tambithera	Edi dipepa ne dyo kukupitura nomandimi ghamwe ghomuAfrika. Mbo hana dipura muThihingirisha no kudipirura muThimbukushu. Mbo ghana karako mepwero mahatu. Hahaterimo mbo hana hutha Dipwero 1 noDipwero 2 ngambi Dipwero 3. Mepwero mbo ghana kara nomapenda ghokukurikanya. Kehe dipwero mbo dina dhemena kuthitoya ethi mbo thi shwagha muyinu yokukuthigha-thigha yira mbudhi, katjangwa, mapathwererofukunya, mambapira, yithimwetwedhapara yawanu hathinda, yithimwetwedhapara yawamwe, yihokoka yokehe diyuwa, yighamba yopatjangwa, yitjangathimwetwedha noyithimwetwedha yokushingonona. Yitoya yi ne mbo yina shwagha muyinu yokukuthigha-thigha. Ghure ghokehe thitoyamingwa ñanyi mbo ghukume kumañando ghokughanekera ku 600 kukutha thitoya thomuThihingirisha. Hahaterimo kuhutha mepwero mawadi: Dipwero 1 noDipwero 2 ngambi Dipwero 3. Kehe dipwero pogha mepwero mahatu mbo hana gha taghura pamitara dhiwadi: (a) yikumburura kumarughanithero ghondimi noghufudhi ghomuthi-(/yi-)toyamingwa Yitambo yoYikonakona nomapenda ghokehe dipwero: KUT1, KUT2 – mapenda 20 (b) thitjangatambithera thomañando ghokukuma ku 120 -150 ghudhemenena thi-(/yi-)toyamingwa Yitambo yoYikonakona nomapenda ghokehe dipwero: KUT3 - mapenda 5 KUTJ5 - mapenda 5 Mbo ha nepura mepwero kuyitoyamingwa yihatu yira ngeno:	Mepwero mawadi ghomape-nda 30 kehedi Ngoyo: 60 [20] [10]	Maviri 2 nominute 15

Dipepa	Rudhi roMepwero	Mapenda	Ruvedhe
Dipepa 1 Yitoya noYitjanga -tambithera (<i>shime</i>)	Dipwero 1 Thitoya(-mingwa) 1 (Thomuthineneko): memaneno/mahongaghudhi, nothitambo eshi gha yi tawe mutoyi. Dipwero 2 ngambi 3 Thitoya(-mingwa) 2 ngambi 3 (kutororapo thofotji payitoyamingwa yiwadi): thofotji thokuthimwa nothimweya ne thokushingonona. Mepwero mbo ghana kona-kona yitambo yoyikonakona eyi yina kuranda ko: YY1 YITOYA NOYITJANGATAMBITHERA Yitambo yopopahe <i>Hahaterimo kuwakona-kona kukutha ghundondoro wawo gho-:</i> - kutoya ghutjwathana nokuturithapo magharavero ghokurongama ghoyitoyamingwa yokukuthigha-thigha Yitambo yeneyenepo <i>Hahaterimo ngo ha kona:</i> Kut1 kunongonona ndjima dhoyikaramo yoyitoyamingwa yokukutjaka-tjaka ghurikanyitha kuyirughana nomahungekero ghothitambo thamutjangi, nokurongeka thiwana mapathwerero mumahuthero ghawo; Kut2 kutapako ñumbu kundimi nomarongathaneno ghomarughanithero ghondimi edhi hana rughanitha muyitoyamingwa; Kut3 kunongonona maghano mwene noyipo yondimi kukutha thitambo thongandji YY2 KUTJANGA Yitambo yopopahe <i>Hahaterimo kuwakona-kona kukutha ghundondoro wawo gho-:</i> - kutjanga thiwana, mughuhunga, mughufudhi nopamuhingo mwene kuyitambo ngambi kwawateghereri hokukutjaka, ghurughanitha mihingo dhokukuthigha-thigha Yitambo yeneyenepo <i>Hahaterimo ngo ha kona</i> Kutj5 kutjanga kuthitambo thongandji, ghurughanitha maghano, yipo yondimi noghufudhi		

Dipepa	Rudhi roMepwero	Mapenda	Ruvedhe
Dipepa 2 Kutjanga	Dipepa di ne dyarupitu mumandimi ghomaheya ghoThiru. Adyo kudipura muThihingirisha no kuditroka muThimbukushu nomandimi ghamweya. Dipepa mbo dina kara nomitara dhiwadi. Mutara A (Yitjanga yokughanekera) yokukona kukara mumuhingo ghoyithimwa ngambi yishingonona. Mutara B (Kutjangeri hateghereri) eyi kukona kukara mumuhingo ghomakuyongo/ghoñanani. Mbo muna kara mepwero mane mukehe mutara. Hahaterimo mbo hana hutha ngenyu mepwero mawadi, dyofotji muMutara A nodimweya muMutara B. Mepwero ghomaheya gha mawadi mbo ghana kara nomapenda ghokukurikanya. Awo mbo hana yi tjanga mumuhingo ghokuthimwa mughure ghomañando ghokuthinganyekera ku 500-600. Parumweya, hahaterimo mbo hana wepura ha tjange yirughana yiwadi padipwero dyofotji yopakatji komañando 250-300 mukehe thi. Mepwero mbo ghana kona-kona yitambo yoyikonakona eyi yina ka randa ko: YY2 KUTJANGA Yitambo yopopahe Hahaterimo kuwakona-kona kukutha ghundondoro wawo gho-: kutjanga thiwana, mughuhunga, mughufudhi nopamuhingo mwene kuyitambo ngambi kwawateghereri hokukutjaka, ghurughanitha mihingo dhokukuthigha-thigha Yitambo yeneyenepo Hahaterimo ngo ha kona Kutj1 kurongathana maghano thiwana nomughuhunga; Kutj2 kutjanga ghutotithapo, yitjangathimwetwedha yokunyanyukitha nokuhatitheramo mutoyi; Kutj3 kutjanga kuthitambo nawateghereri hongandji mumuhingo ghokukuyonga ngambi ñanani; Kutj4 kurughanitha dyumbe dyoruñandweya nomarongathaneno ghoyighamba kuthitambo noyiretedherapo, mumashashero noyitoyadimukitha yoghuhunga; Kutj5 kutjanga kuthitambo thongandji, ghurughanitha maghano, yipo yondimi noghufudhi	Mepwero mawadi ghoheke di mapenda 20 Ngoyo 40	Maviri 2 nomminute 15

6.4 MARONGATHANENO GHOMAPEPA

Yitambo yoYikonakona		Dipepa 1	Dipepa 2
YY1	KUT1	✓	
	KUT2	✓	
	KUT3	✓	
YY2	KUTJ1		✓
	KUTJ2		✓
	KUTJ3		✓
	KUTJ4		✓
	KUTJ5	✓	

6.5 MASHINGWENENO NARO DHOYIWANAMO

Hahaterimo mbadi ha nyanda kukumithamo yiturithapo yoyihey a yoyikonakona mukawana naro dho; ha wa tawedhera mukutanareramo yi ha kara noghukashu pakatombora kumitara dhimweya. Agha mashingweneno naro dhoyitundamo ne ghokuneghedha naro dhoghundondoro noghudimuki mukumurikanyitha ghukaro wamuhaterimo kunaro dhoyitombora yendi. Kutwara mughushemwa, naro dhomutombo kwakehe muhaterimo mbo dhina dhemena kumutombo ghoyoyihey a yitambo yoyikonakona mbadi eshi ngepi di ghuna kukuwa mutombo wendi nomashingweneno naro dhoyiwanamo yo.

Naro	Yikumithamo
a	Hahaterimo ha toye yitoyamingwa yokukutjaka-tjaka nomatjwathaneno ghomayakunithero mwene ghokuyeyuka, ha kona kutjanga thiwana, ghuruganitha mihingo dhokukutjaka-tjaka, ha kona kuneghedha marughanenithero ghondimi ghokuroghera hateghereri ngambi kuyitambo yoyikukutu mumihingo dhokukutjaka-tjaka, mumarongathaneno ghondimi dhokuroghera norutjangithitho roghuhunga.
c	Hahaterimo ha kona kutoya yitoya(-mingwa) yongandji ngenyu nomatjwathaneno mumagharavero ghokurikanya noyitambo yimweya ngenyu. Kutjanga thiwana, ghuturitha mihingo dhokuyeyuka, kwawateghereri ngambi yitambo yokukuthigha-thigha, kuneghedha marughanithero ghondimi dhokurikanya nomarughanithero ghorutjangithitho rokuroghera.
e	Hahaterimo kutoya thitoya(-mingwa) mumatjwathaneno nomagharavero ghomapu, kutjanga ghukunitha kamanana kuthitambo nawateghereri, kuruganitha ndimi dhokukamvura nomakwirero ghongandji.

THIRAMEKA A: YIKOREKITHO

MUTARA (a) – Kukumburura (ngoyo dhomapenda ne 20)

Tape dipenda dyokutunda mu 10 mukehe mutara nopakerere mapenda ghomitara dhiwadi
(Ghudimuki nomatjwathaneno + magharavero ghoghufudhi noyiretedherapo yondimi = 20).

Muthinga	Mapenda	Ghudimuki noMatjwathaneno	Magharavero ghoghufudhi noyiretedherapo
6	9 - 10	Ghana neghedha matambwero yikaramo nomaghano. Ghana hatithera yikaramo yokughombatera ku-: yikaramo, yipo, hateghereri, thitambo, rudhi no/ngambi ghufudhi. Ghupenda ghomatjwathaneno ghomakutjindjero ghondimi (yitongora yokukutjaka-tjaka), thit. mudyo ghokuhukuruka, rutororitho mañando, noyimweya. Thitambo thamutjangi ngambi thothitoya ghana thi shwaghitha thiwana.	Ghana gharava thitoya nomanongwahu ghokuncenuna eshi ngepi dha totanga ndimi noghufudhi yiretedherapo. Ghana yendi noghuredhu pakatji komutara nomitara dhodhothihey a mukukuyonga yitamenedhi yene-yene yomarughanithero ghondimi noyiretedherapo yayo muthitoya thothihey a. Ghana rughanitha yitemununa noghushupi ghomwene ghokuroghera.
5	7 - 8	Ghana neghedha matambwero ghokughombatera ghoyikaramo nomaghano. Ghana hatithera yikaramo kumihingo dhongandji dhoyitjanga, yipo, hateghereri, thitambo, rudhi no/ngambi ghufudhi nothitambo thamutjangi. Matjwathaneno mwene ghomarughanithero ghondimi.	Ghana gharava thitoya nomanongwahu ghomawa ghoyitotithapo yoyiretedherapo. Kukona kuhatithera mutara nomitara dhodhihey a mukukuyonga yitamenedhi yene-yene yomarughanithero ghondimi noyiretedherapo yayo kuthitoya thothihey a. Ghana tapa memaneno ghokukenenena nomarundurukero ghothitoya; ghana rughanitha yitemununa noghushupi ghokuroghera.
4	5 - 6	Ghana neghedha mayendero ghondjiki kuyikaramo ngambi maghano ghokutunda muthitoya. Kuneghedha matjwathaneno ghongandji ghoyimweya ku-: mbudhi, yipo, hateghereri, thitambo, rudhi no/ngambi ghufudhi nothitambo thenethene thamutjangi. Matjwathaneno ghohasha ghomarughanithero ghondimi.	Ghana tendi magharavero ghomengighana kughokuthitoya, ghunongonona mughuhunga yipo yondimi, ghutapa yitamenedhi, noghunegha ghudimuki ghongandji mukutjwathanitha eshi ngepi ghokutota yiretedherapo. Ghana kenitha memaneno ghothitoya, mahatithero ghongandji ghothitoya. Marughanithero ghoyitemununa/ghushupi ghongandji ghokuroghera.
3	3 - 4	Ghana neghedha mayendero ghongandji kuyikaramo ngambi maghano ghokutunda muthitoya. Kuneghedha matjwathaneno ghomapu ghoyimweya muyikaramo, yipo, hateghereri, thitambo, rudhi no/ngambi ghufudhi nothitambo thenethene thamutjangi. Matjwathaneno ghohasha ghomarughanithero ghondimi.	Ghana tendi maghano ghokuroghera, ghunongonona yipo yoyipu yoghuhunga yondimi, ghutapa yitamenedhi, ghuneghedha manongwahu ghongandji eshi ngepi ghokutota yiretedherapo. Kukona yi kare ngambi mumuhingo ghotupindhi. Yitemununa yimweya mo yomuthitoya, nomarundurukero ngambi mahungekero ghomapu.
2	1 - 2	Ghana tendi maghano ghongandji vene ghoyikaramo yokuroghera. Kutenda ghushupi ghoghupu kumitara ghoyikaramo, yipo, hateghereri, thitambo, rudhi noghufudhi ghokuthitoya. Matjwathaneno ghomapu ghoyitambo yamutjangi nomarughanithero ghondimi.	Maghano ghongandji ghokuroghera ghana tendi; ghukatji ghoyitamenedhi yomarughanithero ghondimi ghana pupera. Ghushupi/yitemununa yongandji mbadi yina hatera kuyiretedherapo eyi hana toto muthitoya, ngambi ghana tapa yipathurura yishikonekera. Kukuyendawera [kuyavingera/kutjwandjuka] thikuma. Maghano mbadi ghana kukununga.
1	0	Mbadiko ñumbu dhokuroghera ghana tendi kuyikaramo yothitoya.	Mbadiko maghano ghana tendi ghondimi noghufudhi ghomuthitoya. Yipu thikuma. Mashwaghithero [mayandjwerero/mayarero] kuna kutetaghuka kehepano. Thifupi thikuma thishiwana rudhi royikaramo [thapiradina].

Mutara (b) – Yitjangatambithera (ñaro dhomapenda 10)

Mapenda	Yitaterera/marawero
8 – 10	Ghana neghedha manongwahu ghokunongonona mahungekero, hateghereri, yipo nohitambo ghu yi kwatitha muruñandweya rokuroghera nomashwaghithero ghokughota/kunonga thirughana. Ruhuthitho romumuthinga ghuno ghokuwiru ghuna kukara ghomahongaghudhi noghokukukurupera thinda, ghu ru kwatitha mumaghombatero kumarundwerero ghomahungekero nohitambo, ghurughanitha mashwaghithero ghomahunga ghokuyenderera ghukunonga nomahungekero ghawateghereri [awa yina tamba].
6 – 7	Ghana kenitha thitambo, mahungekero, yipo noyinu eyi ya yiroghera ghu yi tanaritha mumayekero ghokuroghera ghomarughanithero ghondimi dhokuroghera kuthirughana.
4 – 5	Ghana nyandera hashu, ene yishighombatera kuthitambo, yipo, mahungekero, noghufudhi. Pamundinda, mashwaghithero nomahungekero kughamona mo.
2 – 3	Ghana kufungerera kumwingeneno ghodihuthero, ene ghufudhi, yipo, thitambo nondimi ne dhishiroghera nodhipu. Mashwaghithero nomahungekero gha di mapu.
0 – 1	Ghana neghedha didhongi nombadi ghana tokomena kuthitambo, yipo, yitongora nohateghereri. Thothiheya mbadi thi di nondimi noghufudhi ghokuroghera. Yirughana yifupi ngambi yina tjinukera nomashwaghithero ne mapu.

Yitjanga yokughanekera (yokuthimwa ngambi yokushingonona)

Muthinga	Mapenda	Yitaterera/marawero
1	17 – 20	- Thokughanekera, thendi thinda, muhingo ghokuthirughana ghuna roghera, kukoka hateghereri, diywi dyokutanara thikuma; - Ghana ghombatera thiwana, yikaramo yokuroghera; - Ndimi ghana dhirughanitha mughufudhi mukutota yiretedherapo yene-yene kwamutoyi; - Kuyenderera; mashwaghihero/mayandjero/mayarero ghokuthamuka, kukumithamo yiretedherapo yoyikukutu, naro dhondagha-ndagha dhomahungekero.
2	14 – 16	- Muhingo ghothirughana ghokughanekera, ghuna roghera kwawateghereri no kukoka yinyanyukitha; diywi dyokutanara; - Yomwene, yikaramo yokuroghera; - Ndimi ghana dhi rughanitha mukuretedherapo yikuyuva yene-yene kwamutoyi; thokuthimwa ngambi thokushingonona dyodi tha roghera. - mashwaghihero/mayandjero/mayarero ghokuyenderera ghokukumithamo yiretedherapo kwamutoyi; makwirero ghomu-nomu no mbadi wa kwipitha yitongora
3	11 – 13	- Kukuturamo ghughombatera kuyipo noyikaramo yokuroghera, pofotji nohateghereri hokuroghera, mudiwi dyokughombatera kuthirughana; - Yikaramo yokuroghera yina kughu nothirughana; - Yiretedherapo yimweya yondimi ghana yi yereka no ghana yi kumithamo; thokuthimwa ngambi thokushingonona dyodi tha roghera; - Mashwaghihero/mayandjero/mayarero kughamonamo ghokukutjaka-tjaka; mepithero ghomahungekero ghomapu.
4	8 – 10	- Kuyimona yina dhemena kuyipo noyikaramo yokuroghera, noyighanekera yonumu-nomu, hateghereri hokuroghera, diywi dyonumu-nomu; - Yikaramo moyidi ngambikenge eshi mbadi yokughombatera – kukona kutjwandjukanga kundhika ngambi kukara sherepepa; - Yiretedherapo yondimi yokuroghera ghana yi nyandera, thokuthimwa ngambi thokushingonona dyodi tha roghera; - Mashwaghihero/mayandjero/mayarero kughamona, nomakutjakero ghomapu ngambi makwirero ghongandji (yikaramo yokahongandimi; mashashero ghohehepano nomakwirero ghorutjangithitho, mapireromo ghoyitoyadimukitho) agha ghana kutepura muhingo mwene ghokukumitha mo yiretedherapo.
5	5 – 7	- Yipo noyikaramo yokuroghera nodighano dyongandji kwawateghereri; - Yikaramo kukona yipire kukunegha – kukona gha dhire kunegha ruthimwitho mwene ngambi marimbekero ghoyokushingonona, mudiwi dyonopa-nopaya; - Yiretedherapo yondimi yongandji ghana yi nyandera, thokuthimwa ngambi thokushingonona dyo di tha roghera; - Mashwaghihero/mayandjero/mayarero kughamona, ene mbadi gha kukuwa noghuredhu, makwirero ghohehepano (yikaramo yokahongandimi, mashashero ghohehepano, nomakwirero ghorutjangithitho; mapireromo ghoyitoyadimukitho) .
6	2 – 4	- Ghushupi ghoyinyandera mukuturamo kumaghano ghamweya ghokuroghera ghoyikaramo, ngambi thipindhi thokuroghera, ene mbadi thina roghera kuthirughana, yipo mbadi yina hungama, thit.: thirughana thokuthimwa thothiheya mumuhingo ghothokushingonona; diywi dina pupera; - Mbadimo yikaramo, kukona kutjwandjuka, kukona kutorombwendja; - Kutotithapo yiretedherapo yondimi yonumu-nomu, thokuthimwa ngambi thokushingonona dyodi tha roghera; - Mashwaghihero/mayandjero/mayarero mbadi gha yuva parumweya, yipo noyikaramo yidi nomaghukukutu (yikaramo yokahongandimi, mashashero ghokuyenderera nomakwirero ghorutjangithitho, mapireromo ghoyitoyadimukitho) ghana kwipitha marundurukero ghothothiheya.
7	0 – 1	- Yirughana mbadi yina roghera kuthirughana, yodidhongi ngambi yishikurandathana, no mbadiko yipo ngambi yikaramo yokuroghera; - Ghukashu ghomarongathaneno makwirero ghomahungekero (yikaramo yokahongandimi, mashashero ghokuyenderera nomakwirero ghorutjangithitho, mapireromo ghoyitoyadimukitho) yina kwipitha ghundondoro wamuhaterimo ghokuretapo rudhi rwene-rwene

Kutjangera hateghereri (yokukuyonga/yoñanani)

Muthinga	Mapenda	Yitaterera/marawero
1	17 – 20	- Kunyanyukitha, thendi thinda, muhingo ghuna roghera, kukoka hateghereri, diywi dyokutanara thikuma; - Ghana ghombatera thiwana kuyikaramo, kumba maghano ghokukununga mumuhingo mwene; - Marughanithero ghondimi nomepwerohukera ghokukutjaka pakutjwathanitha, pakutanaritha ngambi pakuhongaghura; - Kuyenderera; mashwaghithero/mayandjero/mayarero ghokuthamuka, kukumithamo ñanani dhodhikukutu, naro dhondagha-ndagha dhomahungekero ghondimi dhawateghereri.
2	14 – 16	- Muhingo ghothirughana ghokukundhundha, muhingo ghoyipo ghokuroghera, nokukoka yinyanyukitha, diywi dyokutanara; - Yomwene, yikaramo yokuroghera nomatjwathanithero/mayandjwerero mwene ghomagano/ñanani; - Ndimi nomepwerohukera ghana rughanitha thiwana mukutjwathanitha, kutanaritha ngambi kuhongaghura; - Mashwaghithero/mayandjero/mayarero ghokuyenderera kukona kukumitha mo ñanani; makwirero ghomu-nomu ghomarughanithero ndimi dhawateghereri, ene mbadi wa kwipitha yitongora
3	11 – 13	- Kukuturamo kughombatera kuyipo noyikaramo yokuroghera, nohateghereri hokuroghera, diywi dyokughombatera kuthirughana; - Yikaramo yokuroghera nomarundurukero ghongandji; - Ghana rughanitha ndimi nomepwerohukera ghongandji mukutjwathanitha, kutanaritha ngambi kuhongaghura; - Mashwaghithero/mayandjero/mayarero ghokukutjaka-tjaka kughamona mo; mepithero ghomapu ghomahungekero ghondimi dhawateghereri.
4	8 – 10	- Kuyimona yina ndhondherera kuyipo noyikaramo yokuroghera, nokwawateghereri hokuroghera, mudiwi dyonomu-nomu; - Yikaramo mo yi di ngambikenge eshi mbadi yokughombatera – kupemukanga ndhika ngambi kukara sherepepa; - Yiretedherapo yondimi yokutjwathanitha, kutanaritha ngambi kuhongaghura ghana yi nyandera kuthitambo thohasha ko, ene mbadi ghana yi kumitherera mo; - Mashwaghithero/mayandjero/mayarero kughamona, nomakutjakero ghomapu ngambi makwirero ghongandji ghomarughanithero ndimi dhawateghereri (yikaramo yokahongandimi; mashashero ghohehepano nomakwirero ghorutjangithitho, mapireromo ghoyitoyadimukitho) ghokutepura ghundondoro ghokukumitha mo yiretedherapo.
5	5 – 7	- Yipo noyikaramo yokuroghera manongwahu ghomapu kwawateghereri; diywi dyonomu-nomu - Yikaramo kukona yi pire kukunegha – kukona mu pire marundurukero ngambi ñanani; - Ghana toto yiretedherapo yongandji yondimi yokutjwathanitha, kutanaritha ngambi kuhongaghura; - Mashwaghithero/mayandjero/mayarero kughamona, ene mbadi ghana kukuwa noghuredhu, makwirero ghohehepano ghomarughanithero ndimi dhawateghereri (yikaramo yokahongandimi, mashashero ghohehepano, nomakwirero ghorutjangithitho; mapireromo ghoyitoyadimukitho).
6	2 – 4	- Makutureromo ghohasha, ngambi thipindhi thokuroghera, ene mbadi thina hungamena kuthirughana, Kuneghedha matjwathaneno ghongandji kuhatera thirughana, diywi dina pupera; - Mbadimo yikaramo, kumata tunda dighano di yi tambe kudighano dimweya dishikughu, kutjwandjuka ghutorombwendja; - Kunyandera kuturithapo yiretedherapo yongandji yondimi yokutjwathanitha, kutanaritha ngambi kuhongaghura; - Mashwaghithero/mayandjero/mayarero mbadi gha yuva parumweya, ndimi dhawateghereri noyikaramo yi di nomaghukukutu (yikaramo yokahongandimi, mashashero ghokuyenderera nomakwirero ghorutjangithitho, mapireromo ghoyitoyadimukitho) yina kwipitha kuyenderera kothothiheya.
7	0 – 1	- Yirughana mbadi yina roghera kuthirughana, yodidhongi ngambi yishikurandathana, nombadiko yipo ngambi yikaramo yokuroghera kuthirughana ethi ghana torora; - Ghukashu ghomarongathaneno nomakwirero ghomahungekero Marughanithero ndimi dhawateghereri (yikaramo yokahongandimi, mashashero ghokuyenderera nomakwirero ghorutjangithitho, mapireromo ghoyitoyadimukitho) yina kwipitha ghundondoro wamuhaterimo ghokureta po rudhi rwene-rwene.



The National Institute for Educational Development

P/Bag 2034

Okahandja

NAMIBIA

Telephone: +264 62 509000

Facsimile: +264 62 509073

E-mail: info@nied.edu.na

Website: <http://www.nied.edu.na>